

مجموعه ابوالضیاء

ادبی و سیاسی رساله اسبوعیه در

۳۱ نجی سنه

۲۵ ذی القعدة ۱۳۲۹

پنجشنبه

جزء عدد : ۱۲۱

ایتالیان فرماصون لوجہ لری

و

سیونیزم

مجموعه ابوالضیاءک یوزنجی نسخہ سندہ (فرماصونلق) عنوانیلہ بر مقاله اشہر
ایتمش ایدک . بومقالہ یی یازمقدن مقصدمن اوگونلردہ فرماصون طریق و جمعی
حقندہ بعض افکار مخصوصہ اصحابی طرفندن لغرض واقع اولان نشریاتدن افکار
عامہ نکل حاصل ایتدیکی ذہاب سقیمی تصحیح ایدی . حتی تا یس غزنیہ سی قاهرہ بخارینک
فرماصونلق وسیلہ سیلہ (اتحاد و ترقی) جمعی حقندہ روا گوردیکی طعن واسنادی
عیناً اعلان ایلہ برابر ، لازم عد ایلدی کمز ایضاحاتی ویرمشدک . چونکہ اوصردہ
فرانسز ارباب قلندن تلون فکر و مسدکله مشہر لئوناقسیلک - کہ برکون بیداکانہ
اعلان رفض ایلہ مقننر اولورسہ ایرتسی کونی منافقانہ نائب و مستغفر اولوق عادتیدر . -
فرماصونلق حقندہ و ہم و خیالندن مرکب بر اثری ترجمہ و نشر ایدلمکده ایدی .

بوکتاب ، یازدینی هر سطر و بلکه هر کلمه فکر منفعت خادما اولان بر قلم
محصولی اولمسندن طولانی بزجه مضر ایدی . اوسبيله صاحبك ماهیتنی تعیین ايله
برابر فرماصونلغك اساس تشکیله ، مقصد و غایه سی حقنده بیطرف اصحاب نشریاتك
آثاريله استشهاد ایتشدك .

اومقاله مزك خاتمه سنده شویله بر فقره من و اردی :

(شبهه یوقدر که اقوال و الفاات باطله بك آز زمانده کندینی گوسستریر .
گونش بالچقله صیوانه میه جنی گبی ، نور صرفانه قارشى هیچ بر وقت ظلام جهل
وعدوان یابدار اوله ماز . فقط باطلك بطالاتی بیلدیکی حالده خلقه حق صورتنده
تلقینده بولنانلر اولور ، و نور صرفانده هنوز مغرب احتجابندن مشرق انفلاقه انتقال
ایتمامش بولنورسه عوامك جهلندن استفاده ایدنلر دایما فرستندن انتهاز ایدم جکدر .
و بوحالردن ده مملکت ایچون بی اشتباه يك وخیم نتیجه لر حاصل اوله جقدر .)

بوفقره دن صکره فرماصونلق حقنده تائیسك قاهره مخبری طرفندن یازیلان
مکتوبی ردأ (عثمانیشر لوئید) ك نشرایتدیکی مقاله بی درج ایتشدك كه آنك بعض
فقره لرینی بوراده تکرار ایدم جکز . چونکه بزه بعض وقایع اخیره فرماصونلغك
بزم مملکتهمزده اوینامق ایستهدیکی وخامت انجام اوینلری بزه اعلان و افهام
ایتشد . بز ایسه فرماصونلغك اساسنی فکر تعاونه مستند و هر درلو عوامل
مذهبییه دن وارسته بیلدیکمزدن اونقطه نظرندن مدافعاتده بولنمشدق . چونکه
هر نه اوزرینه اولورسه اولسون بر بختده مطمح نظر حقیقت اولق لازم کلیر .
فرماصونلق ایسه مقدما دخی دینلیدیکی وجهله مؤخرأ حکومت مطلقه قارشى
اهالی مظلومه بی حمایه مسلکینی التزام ایتلشیدی ، زیرا اوروپاده رهبانیت حکومت
مطلقه مدار قوت و استناد اولدیغندن فرماصون لوجهلریده بوقوت قارشى
صورت تشکللرندن استفاده اتمك و بناء علیه افکار انقلابیه بی رویجه وساطت
ایلك ایستمشلردر ، که الك بیوک اثر موفقیتی اولان ایالتا حکومتك صورت تشکلی
بونك برهانیدر .

عثمانیشر لوید ردیه سنك بر فقره سنده شویله سویلیوردی :

« مخالفین طاقی ، قایینه نك سوریه یی یهودیلره صاته جنی شایعه سنی نشر ایتدکاری وقت فرماصونلغه دینسزلك اسنادندن ماعدا برده بو جمعیتك نفوذ و تأثیرنی بتون جهانه تشمیل ایده نيك مقصده یله یهودیلر طرفندن تأسیس ایدلدیکی صنیعه سنی ده اختراع ایلشدردی . »

عثمانیشر لویديك ، بوفقر مسيله فرماصونلقدن زیاده یهودیلری التزام ایتمش اولدیغنی بز شمعی آکلاپورز . اعتراف ایدرزكه عمومی برمقصده یازلدیغنه قائل اولدیغمز اومقاله ده برده مقصد مخصوص بولدیغنه احتمال ویرمامش ؛ تركجسی صافدر ونلق ایلش ایدك ، انسان دائما خطاسنی ادراك و تصحیح ایده ایده کسب کمال ایدر .

اوت ! فرماصون جمعیتی یهودیلر تشکیل ایتامشدر . بویك طوغریدر . فقط شمعی آکلاپورزكه شو بش اون سنه ظرفنده سالانگده آچیلان فرماصون لوجهلری هم یهودیلر تأسیس ایتمش ، همده مؤسسی اولان بو یهودیلر ایتالیا تابعیتنده بولمیشدر ؛ مقصد تأسیسی ایسه (سیونیست) آمال و تشبثاتی ترویجندن عبارتدر .

(اتحاد و ترقی) اربابی ایسه بو جمعیتك صورت تشکیله بولتیقهیه اولان خدمتندن استفاده ایتمش و منسویینی آرمسنده حکمفرما اولان کتم اسراری مقاصد انقلابیه سنه موافق بولدیغنی ایچون برزمان آنك حمایه سنه داخل اولمش . بر جمعیت انقلابیه ایچون بو حال هیچ بروقت موجب انتقاد اوله ماز . بر جمعیت خفیة سیاسیه ، مقصدینه واصل اولجیه قدر هرواسطه یه مراجعت ایدر ، هرواسطه یی آلت مرام ایدیزر . هرواسطه دن استفاده ایدر . فرماصون لوجهلری ایسه « سعادت عمومی بشریه یی تزئیده سبی ایتك و وظیفه محسنه یله » متشکل و (کتم اسرار) ایله مکلف اولدقلری جهتله بر جمعیت انقلابیه یه پك بیوك خدمت ایفا ایده بیلیرلر .

ایشته سالانیک فرماصون لوجهلری دخی اتحاد و ترقی جمعیت انقلابیه سنه بومقصده معین اولمشدر .

ذکی بك محاکمه سی صرمه سنده بعض افشائات تجلی ایلشدرکه بزجه جدا باعث انقباه خصوصاً تندر .

ملازم شعبان اقدینک قرائت ایتدیکی لایحه نك بعض موادینی شرح وایضاحه منحصراً اولان افاداتی شایان تذکاردر . بوذات ، مدعی شخصی وکیلنك سؤاللرندن برینه ویردیکی جوابده :

« مرکز عمومیده درت ویاخود بش مسئله اوزرینه مباحثه جریان ایتدی . اولاً ترکیهده ماصولنق ، سیونیستك »

§

« هپ حالدن وسوء ادارهدن ، افکار عمومیهده امنیت قالدیفندن و صکرهده ترکیهده ماصولنق پرده سی آلتنده سیونیستك جریانندن و بوجریانده طلعت ۱) و جاوید بکرك سیونیستلکه رغبت ایتلرندن بحث اولندی »

§

« ماصولنك تدریجی ، تدریجی اردویه کیرهك درجهیه کلدیکنی سویلدیلر . بز اردونك بوندن منزله اولمنی ایسترز . جاوید بکک مالیه نظارتنده سیونیستك ایلاده اشتغالی سویلندی »

شو افادادن استدلال اولنیور . که سالانیکده کی فرماصون لوجهلری . فرماصولنك اساسی ، منویات مخصوصه لرینه آلت ایتک ایستیان یهودیلر طرفندن تأسیس وگشاد ایدلمش و ۱۰ تموز انقلابندن صکره آمال قومیه لرینی ترویجه استعداد فطری سی اولان بعض منسوبینی موقع اقتداره سوق ایله استفاده ایتک ایسته مشدر .

صورت خصوصیهده بر قومك بعض آمالی ایله اشتغاله حصر مساعی ایدر بر فرماصون لوجه سی تصور اولنه ماز . دنیانك هر طرفنده فرماصون لوجهلری واردر . بونلرده خصوصیات اجتماعیه ومدنیه و بعض حالاتده مقاصد سیاسی و عمومی صورتده مواد اقتصادیه مذاکره اولنه بیلر . فقط مثلاً صورت خصوصیهده بر صنف خلقالک منافع صرافیه وتجاریه سی موضوع بحث اوله ماز .

۱) طلعت اسمنك سیونیست کله سیله قطعاً مناسبتی یوقدر .

بو اوله مدیننی گبی ، بولندینی مملکتک سیاست و اجتماعاً منافعی محل و مضرتی منتج مسائل و مقاصده دخی لوجهلر آلت ایدیله من . ایدیلیر ایسه اساس تشکلهلری اعتباریله فرماصونلقدن چیقیش و صرف مملکته قارشى الزام اهانت ایدلمش اولور .

سیونستلک ایسه ارض موعودده بر حکومت اسرائیلیه تشکیلدن عبارتدرکه اوده عثمانلی امپراطورلغندن قوجه برپارجهنی ، یعنی فلسطین قطعه سنی قوباروپ آلق و اوراده یگیدن بریهودا قراللی تأسیس ایلکدر .

بوکون بر دولت اجنبیهنک آفریقاده کی بر ولایت جسیه مزی استیلایه قیامی ، ملگمزمده قراللق تشکیلی ایله اشتغال ایدر بر جماعت ایله مقایسه ایدیله جک اولورسه ایتالیا نلری تابع احتراصات و فقط اجنبی بر دشمن اولدقلرندن طولانی معذور کورده بیلیرز . حال بوکه سالانیکده مؤسسلی ایتالیا نلر یهودیسی و منسوبینی عثمانلی موسویسی اوله رق تشکل ایتمش اولان فرماصون لوجهلرنی آغوش و قامزده بسله مک ، حمایه ایتمک ، خصوصات اجتماعی و سیاسیهمزه تشریک ایتمک ، باخصوص انجلیرینه کیرونده آنلرله همشمار بولنق کبی غفلتله دوشرسهک ، خصوصاً و خصوصاً تصورات معلومه لرنی ترویجه یاریم ایدرسهک دشمن خارجی ایله ینمزمده کی فرق بک عظیم ، یعنی بزم حصه مزه اصابت ایدن قسم فوق الغایه سقیم اولور .

ایتالیا تجاوزاتی باشلادینی بر صرمده پارسک (غراند اوتل) نده طولیانمش اولان سیونیست ارکان و اکابرینک طرابلسه عوض اولمق اوزره اوچ میلیون فرانسر لیراسی تکلیفی مذاکره ایتدکلی شایع اولمشیدی .

بوارکان و اکابرک جمله سی عن اصل سالانیک اهالی موسویسندن اولدینی حالده مؤخر آ ایتالیا تابعیتنه گیرمش فرماصونلردن عبارت بولمشدر . دها غریبی آنلردن بری بوجلمسده اثبات وجود ایتدکدن صکره در سعادته کلشددرکه بوراده کی ایتالیا نلری دفعه موفق اوله مدینمزم بر زمانده بویله مهم بر ایتالیا نلک سلمه السلام استانبوله گلشی عادتاً ترغیم انوف عثمانیان یولنده برجسمارتدر . حال بوکه صدر اعظم حضر تلی مجلس مبعوثانده : « خارجدن گلان ایتالیا نلری ده قبول ایتیمورز .

آنلرک پساپور طبرنی ویزه ایتمک ایچون سفر امره ، شهندر لرمزه امر ویردک «
دیمشکر ایدی. غریبدر، که بوامری ویردک دیدکاری کون آنفا سویلدیکمز شخصی
سرکه چی غارنده شمدو فردن چیقارکن کورمش ایدک. حالاده بی پروا غلطه و بک
اوغلنده کار و کردار یله اشتغال ایتمکده در .

ماحصل حکومت ، عجزینه حل اوله بیله جک هر حالده تیقظ و انتباه اوزره
بولمقله مکلفدر . بناء علیه سالانیک فرماصون لوجه لرینه شو صهرده نصب انظار
دقت و آکا مقتدر اوله مدینه حالد خارجه بولنان و ایالتیان اولان منسوبینک
ملکه گیرمائی اسبابانی استکماله صرف قدرت ایتمنی حکومته اخطار ایدرز .
چونکه فرماصونلق ماسکه می آئنده گیرنان (سیونست) چهره لرینی کورمکه
دها زیاده تحمل ایدیه مز. زیرا بونلر، مملگنک حال بحراندن دخی تأمین مقصده
مدار اوله بیله جک حصدر چیقاره بیلیرلر .

وخصوصا بوراده بولندجه شیطان ضلیل کی بعض ذواته حلول ایدرک سرار
سیاسیه حکومتی استراق و منسوب و منتمی بولندقلری طرفه ، که دشمنمزدر، اخبار
و ابلاغه ساعی و موفق اولمرندن قورقیلور .

ابوالضیا

